

Илонга айланган аёл бўлиши мумкинми?

05:00 / 09.03.2017 4834

Хозирда интернет ва қўлтелефонларда илонга айланган аёлнинг қўрқинчли сурати тарқалиб кетди. Бундай бўлиши мумкинми?

Бундай қўрқинчли ва даҳшатомуз нарсаларни тарқатиш асло мумкин эмас!

Мусулмонларни бундай нарсалар билан чалғитиш, уларни қўрқув йўли билан Исломга чақириш ёхуд исломдан қайтариш асло мумкин эмас!

Бундай шов-шувли нарсаларни тарқатиш билан мол-дунё орттириш, бойлик тўплаш асло мумкин эмас!

Бу гапларимизнинг исботини, шаръий далилларини қўйида баён қиласиз:

Биринчидан, илонга айланган аёл расмининг аслида ёлғон экани ўз исботини топиб улгурди. Мазкур лавҳа бундан бир неча йиллар аввал Индонезияда тарқатилгани интернет сайтларида эълон қилинди. Уни асло ўзбеклар ишлаган ёки “ilonga ailangan” ўзбек аёли эмас. Уни баъзи бир бепарво ва дунёқараши тор кимсалар тарқатдилар, холос.

Бундай нарсаларнинг тарқатилишида мусулмонлар орасига ғулғула солиш, қўрқитиш, оммавий қўрқувни уйғотиш, одамларни ҳаждан чалғитиш, Каъбадан нафратлантириш, муқаддас жойларни зиёрат қилишдан қайтариш ва бошқа ғаразли мақсадлар ётмаганмикин?!

Бундай нарсаларнинг тарқатилишида мусулмонларни қўрқув йўли билан исломга даъват қилиш, уларни қўрқитиб “эсини киритиб” қўйиш, шу орқали аҳолини ўз таъсир доирасига тушириш, бу тарзда ношаръий ва ноконуний йўл билан тарғибот ва ташвиқот ишлари олиб бориш каби ғаразли мақсадлар бор эмасмикин?!

Иккинчидан, уни Фарғона водийсидан чиққан деган гапнинг аслида бўлмағур сўз эканини у ердагиларнинг ўzlари ҳам яхши англаб туришибди. Бирорлар Андижондан чиққан десалар, бошқалар Марғилондан, Асакадан, Намангандан, Қўқондан чиқди, деган ҳар хил гаплар ва миш-мишлар оралаб қолди. Агар у ҳақиқатдан бўлганда эди, уни исботлаш осон бўларди, дарҳол одамлар қайси жойдан чиққанини, ўша бечора аёл ким эканини билган бўлишарди.

Аллоҳ таоло Қуръони каримда ва Расули акрам соллаллоҳу алайҳи ва саллам эса ўз ҳадисларида мусулмонларни шов-шувларга ва мишишларга алданиб қолмасликка, уларнинг таъсирига тушиб қолмасликка, бир гап чиқса, уни дарҳол текшириб кўришга, фосиқнинг гапига ишониб кетавермасликка чақирганлар. Жумладан, Аллоҳ таоло Қуръонда бундай деган:

ٰل آه ج ب ام و ق او ب ي ص س ت ن ا او ن ي ب ت ف ا ب ن ب ق س ا ف م ك ء ا ج ن ا او ن م آ ن ي د ل ا آ ه ي ا ي
ن ي م د آ ن م ت ل ع ف ا م ئ ل ع او ج ب ص س ت ف {6}

“Эй мүминлар, агар сизларга бир фосиқ кимса бирон хабар келтирса, сизлар (хақиқий ахволни) билмаган ҳолингизда бирон қавмга мусибат етказиб қўйиб, қилган ишларингизга афсус-надомат чекиб қолмасликларингиз учун (у фосиқ кимса олиб келган хабарни) аниқлаб-текшириб кўринглар!” (Хўжурот, 6).

Учинчидан, ўша “илонга айланган аёл”нинг нима учун бундай бўлиб қолгани сўралса, унинг сабаби аёл ҳажга бориб келганидан сўнг ҳаж таассуротларини гапира туриб, “Одамлар Каъба атрофига илондек айланаверишар экан” деганида эмиш. Мусулмон ҳолда туғилиб, мусулмон бўлиб, мусулмонлар юртида яшаётган, мусулмонликнинг бешта рукнини ҳам адо қилган, Аллоҳ таолонинг бирлигига, Мұхаммад Мустафо соллаллоҳу алайҳи ва салламнинг барҳақлигига имон келтирган, намоз ўқиб, рўза тутаётган аёл билар-билмас айтиб қўйган гапи учун, катта гуноҳлардан саналмаган сўзи учун, ҳеч бир уламо айбламаган “айби” учун даҳшатли илонга айланиси мумкинми?! Ундей бўлса, Аллоҳни йўқ деяётганлар, жонажон Пайғамбаримизни масхара қилаётганлар, Қуръони каримни ўтга ёқаётганлар, қирғинбарот урушлар қилиб, бегуноҳ мусулмонларни оммавий ўлдираётганлар нимага ва нима учун бирор жонзотга айланмаяпти экан-а?!

Тұртингидан, бизнинг суюкли пайғамбарымиз Мұхаммад Мустафо
соллаллоҳу алайҳи ва саллам оламларга раҳмат ва марҳамат қилиб
юборилған. Ул зоти шариф инсоният орасыда турған экан, юқоридайдек
дахшатли ишлар ва құрқинчи нарсалар содир бўлмагай, инша Аллоҳ!
Зотан, Аллоҳ таоло бундай деган:

“Модомики, сиз уларнинг ораларида экансиз, Аллоҳ уларни ҳаргиз азбламас ва улар мағфират сўраб турган ҳолларида ҳам Аллоҳ уларни

азоблагувчи эмасдир!” (Анфол, 33).

Саҳобаларнинг буюкларидан ҳамда Қуръони каримнинг илк муфассирларидан бири Абдуллоҳ ибн Аббос разийаллоҳу анҳудан “Сизни фақатгина оламларга раҳмат қилиб юборганмиз!” оятининг (Анбиё, 106) маъносини сўралган экан:

ةمحر هل ناك مع بت نم : لاق } نيمالاعلل ةمحر الـ كـانـلـسـرـأـ اـمـوـ { سـابـعـ نـبـاـ نـعـ خـسـمـلـاـ نـمـ مـمـأـلـاـ رـئـاسـىـلـتـبـيـ نـاكـ اـمـمـ يـفـوـعـ عـبـتـيـ مـلـ نـمـ وـ ةـرـخـآلـ اوـ ايـنـدـلـاـ يـفـ فـذـقـلـ اوـ فـسـخـلـ اوـ

Ибн Аббос (р.а.)дан “Ва ма арсалнока илло раҳматан ли-л-Ҷоламин” оятининг маъноси ҳақида сўралганида, у зот: “Кимки ул зоти шарифга (Пайғамбаримиз соллаллоҳу алайҳи ва салламга) эргашса, унга дунё-ю охиратда раҳмат бўлади. Кимки унга эргашмаса, бошқа умматлар учраган масх, хасф ва қазф сингари балоларга йўлиқишидан авф қилинади”, деб жавоб берганлар. (Табароний “Мўъжам ал-қабир”, 12/12358.)

“Масх”нинг маъноси инсоннинг бошқа махлуққа айланиб қолишидир. “Қазф”нинг маъноси эса осмондан тош ёғиб, аҳолини ҳалок қилиш оғатидир. “Хасф” эса ер ютишидир.

Абу-л-Лайс ас-Самарқандий “Баҳр ал-улум” тафсирида “Бақара сураси”нинг охирги оятларида келган *فَعْلُ وَأَنْعَوْ رَفْعُ وَأَنْحَرْ* – “Бизлардан авф қил!” жумласини “Бизларни махлуқларга айлантиришдан авф эт！”, “Бизларни кечир！” жумласини эса “Бизларни ерга ютқазишидан кечиргин！”, “Бизларга раҳм қил！” жумласини эса “Бизларга самодан тош ёғдиришдан раҳм қил！” деган маънода тафсир қилганлар ва ушбу дуоларнинг ижобат бўлганлигини таъкидлаганлар. Ояти кариманинг мазкур ўринлари Абу-л-Баракот ан-Насафийнинг “Мадорик ат-танзил” тафсиrlарида ҳам шу тариқада изоҳлаб ўтилган.

“Рұх үл-баён” тафсирида: “Умматимдан хасф, масх ва ғарқ кўтарилилган” деган ҳадиси шариф ҳам ривоят қилинган.

Мажозий маънода уммати муҳаммадий ҳам ҳайвонга айланиб қолишининг эҳтимоли йўқ эмас. Бунда маънавий жиҳатдан инсон ҳайвонга айланиб қолиши мумкин. “Рұх үл-баён” соҳиби қалбларнинг ҳайвонга айланишининг учта сабабини кўрсатади:

الـ وـ ةـيـصـعـمـلـاـ نـمـ فـاخـيـ الـ وـ ةـعـاطـلـاـ دـجـيـ الـ ءـايـشـأـ ةـثـالـثـ بـلـقـلـاـ خـسـمـ

“Қалбнинг махлуққа айланишининг аломати уч нарсадир: у тоатнинг ҳаловатини топмайди; гуноҳ-маъсиятдан қўрқмайди; бироннинг ўлганидан ибрат олмайди, балки унинг ўрнига ҳар куни дунёга рағбати ортиб боради”.

Расулуллоҳ соллаллоҳу алайҳи ва саллам юқоридаги маънода қуидаги читоб қилғанлар:

سأر هل ل ل ل ع ج ي ن أم أم إ ل ل ب ق س أ ر ع ف ر آ ذ إ م ك د ح أ ش خ ي آل و م ك د ح أ ش خ ي آ م رأ م ح ة رو ص ت رو ص هل ل ل ل ع ج ي و رأ م ح س أ ر

“Эй, сизлардан бирортангиз имомдан олдин бош күтартганида, Аллоҳ унинг бошини эшакнинг бошига ёки унинг суратини эшакнинг суратига айлантириб қўйишидан қўрқмайдими?”. (Бухорий 1/691; Мұсслим 1/427; Термизий 2/582; Абу Довуд 1/623; Насойи 1/902; Ибн Можжа 1/961; Доримий 1/1366; Байҳақий, 1/513; Табароний 3/3306; Ибн Хузайма 3/1600; Аҳмад 2/9885.)

Пайғамбаримиз соллаллоҳу алайҳи ва салламнинг: “Умматим орасида ипак кийишни, ароқ ичишни ва куй чалишни ҳалол дейдиганлар бўлади.

Уларнинг баъзисида жирканчлик ва баъзисида масҳ бўлади” деган гаплари ҳамда ул зоти шарифнинг: “Умматим орасида айрим одамлар ароқни бошқа ном билан атаб ичадилар. Бошларида куй наволари ижро қилинади. Аллоҳ уларни ерга ютқазади ва улардан маймун ва чўчқаларни қиласи”, деганлари ушбу маънодадир (Байҳақий “Шуаб ал-имон”, 7/4759.). Зотан, Имом Бухорий ривоятида мазкур ҳадис давоми бу тарзда келган:

وَمَآيْقُلِ مَوْيِي يَلِإِرِيزَانَحَوَّهَدَرِقَنِيَرَخَأَحَسْمَيِّ وَ

“Охиргилари қиёмат кунида маймунга ва чўчқага айлантирилади” (Бу Имом Бухорийнинг 5589-5591 тартиб рақамли ҳадисларнинг орасида таълики (қўшимчаси)да келтирилган.).

Қиёмат куни аломатларидан бири сифатида инсонларни ер ютиши ёки бирорта махлукқа айланиши тұғрисидаги ҳадиси шарифларнинг барчаси заиф эканини муҳаддислар зикр қилиб үтгандар. Имом Термизий ривоят қилған: “Ұша вақтда хасф ва масхни кутинглар!” маъносидаги ҳадиси шарифни унинг ўзи заиф эканлигини очық айтиб үтган (Термизий, 4/2210.). Муҳаддислардан ал-Хоким “ал-Мустадрак” да Пайғамбаримиз соллаллоху алайхи ва саллам қасам ичиб, “Бу дунё одамларда хасф, масх ва қазф бўлмагунча тугамайди” деганларини ривоят қилған бўлиб, у ҳам заиф ҳадис, уларда қиёмат олдидан бўладиган ҳолат баён қилинган (Хоким,

6/8349; Байҳақий “Шуаб ал-имон”, 4/5466; Ибн Ҳиббон 15/6759.). Чунки, мана шу воқеалар бўлганидан сўнг тез ора дажжол чиқиши ҳадис матнида таъкидланган:

ابي رق كلد رث اىل ع لاج دل ا جرخي مث

“Сўнг мана шунинг ортидан яқинда дажжол чиқади” (Табароний “Мўъжам ал-кабир”, 4/4270.).

Инсон зотининг бирорта маҳлукқа айланиши борасида, қандай маҳлукқа айланганлиги ҳақида Расулуллоҳ соллаллоҳу алайҳи ва салламдан сўралган. Мазкур ҳадисни Зубайр ибн Баккор, Ибн Мардвайҳ ва Имом Дайламий каби муҳаддислар ривоят қилган бўлиб, “Канз ал-уммол”да батафсил зикр қилинган (Ал-Муттақий ал-Ҳиндий “Канз ал-уммол”, 2/15254). Расули акрам алайҳиссалом ўн уч хил нарсага айланиши мумкинлигини ва унинг айрим сабабларини баён қилганлар: фил, айик, чўчқа, маймун, илонбалиқ, забб – калтакесак ва эчкиэмарга ўхшаш жонзот, кўршапалак, чаён, зулук, ўргимчак, қуён ҳамда суҳайл (юлдуз) ва зуҳра (юлдуз). 1) Қаерга борса, ҳўл-қуруқни топтаб, йўқотувчи золим кимса филга айланган; 2) Одамларни ўзига жалб қилувчи фоҳиша аёл айикқа айланган; 3) Дастурхон сўраганида, дастурхон тушганига қарамасдан куфр келтирган насронийлардан бири гуруҳи чўчқага айланган; 4) Шанба кунини менсимасдан, таъқиқларга риоя қилмаган яҳудийлардан бир гуруҳи маймунга айланган; 5) Эркакларни ўз хотинига чақирадиган даюс эркак илонбалиққа айланган; 6) Ҳожиларнинг нарсаларини ўғирлашни одат қилган аъробий забб – эчкиэмарга айланган; 7) хурмозорга ўғирликка тушиб, хурмо ўғирлашни одат қилган кимса ватвотга айланган; 8) Ҳеч кимни тилидан саломат қилмаган кимса чаёнга айланган; 9) Дўстлар орасини бузадиган чақимчи зулукка айланган; 10) Эрини сеҳрлаб, жодулаб қўйган хотин ўргимчакка айланган; 11) Ҳайз кўрганидан сўнг ювиниб, тозаланмаган аёл қуёнга айланган; 12) Яманлик бир солиқ йиғувчи суҳайлга айланган; 13) Ҳорут ва Морутни ҳам тузоғига илинтирган гўзал қиз зуҳрага айланган.

Юқоридаги ривоятдан кўриниб турибдики, инсоният орасида илонга айланиш ҳолатлари бўлган эмас, демак, ҳажга борган мусулмон аёли билар-билмас айтган гапи учун илонга айланиб қолиши асло мумкин эмас!

Демак, инсонлар, хусусан, мусулмонлар бу каби нарсаларга ишонмаслиги, уларга ишониб ўз дунёқарашлари ва ишларини унутишлари яхши эмас. Мусулмонлар ораларида бу хилдаги нарсаларни тарқатиш гуноҳ

амаллардан дандир.

Ҳамидуллоҳ Беруний